



ЗАМАН



Газета издается на балкарском языке с 1924 года

Интернет-версия: zaman.smikbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ



КЕНГЕШ

Май указланы къаты контрольда тутаргъа бурургъанды

КъМР-ни Башчысында республиканы экономикасын эмда социальный сферасын айннытуда целевой керюм-долени тинтиу эмда РФ-ни Президентини указларын тамамлауу мониторингин бардырыу жаны бла кенгеш болгъанды. Анда къыралны Башчысы 2012 жылда 7-чи майда къабыл керген 596-чы-602-чи эмда 606-чы указлада белгиленген баш магъаналы жумушла КъМР-де къалай толтурулгъанлары сюзюлгенди.

Кенгешни ача, КъМР-ни Башчысыны къуллугъун болжаллы халда толтургъан Юрий Коков РФ-ни Президентини май указларын тамамлауу бююнюлукде баш магъаналы жумуш болгъанын чертгенди. «Ала республикабызны экономикасын айннытуугъа, халкыны къолайлыгын игилендириуге, айлыкъ хакъны ёсдюроуге, сабийлени школгъа дерни билим берген учрежденияла бла жалчытуугъа эмда быллай башха магъаналы жумушланы тамамлауугъа бурулдула. Алагъа кере биз жашау журт-коммунальный сферада болумну игилендирирге, адамланы жашаргъа къоркъуулу, осал юйледен кенчюрюрге, кен сабийли юйюрге тийишли жашау болумла къуараргъа борчлубуз», - деп эсгергенди ол жыйылгъанлагъа.

Юри Александрович айтханыча, указланы толтуруу эмда республиканы экономикасын, социальный сферасын айннытуу мониторингин бардырыу жаны бла энчи совет къуаралгъанды, энчи план къабыл керюлгенди эмда аланы толтуруугъа къаллай бир ахча керек болгъаны саналгъанды.

Кенгешде РФ-ни Президентини май указларын толтуруу ючюн жууаплы болгъан вице-премьерле докладла этгенди. Правительство Председателини биринчи орунбасары Юрий Альтудов 596-чы указы тамамлауугъа контроль

этеди. Документ субъектни экономикасын айннытуу бла байламлыды эмда терт бөлүмге кере бардырылады жашауда. Биринчиге кере, 2020 жылгъа дерни бийик хайырлы производстволу ишчи жерле къуаралыргъа керекди. Битеу Россейде аланы санын 25 миллионнга жетдирге план салыннганды. Къабарты-Малкъарда уа 25 минг ишчи жер къуаралыргъа тийишлиди, ол санда 2014 жылда - эки минг.

Инвестиция проектлени санын регионда чыгарылгъан продукцияны 27 проценти тенгли этерге, бийик технологиялы продукцияны 1,3 кереге кёбейтирге да тийишлиди. Юрий Альтудов айтханнга кере, 2013 жылда план керюмдөлени асламы толтурулгъандыла. Республиканы экономикасын айннытуу жаны бла документле къабыл керюлгенди, ол санда КъМР-ни 2025 жылгъа дерни айннытуу стратегиясы да.

601-чи указгъа тийишлиликде уа къыралгъа башчылыкъ этиу системаны модернизациясын тамамларгъа борчлубуз. Документте кере 2018 жылгъа дерни субъектде жашагъанланы 90 проценти къырал эмда муниципальный жумушла бла хайырланырча онгла къуаралыргъа керекди. «Биз а бу ёлчмени андан да улуу этгенбиз - 95 процент», - деп къошханды ол.

Ахыры 2-чи бетдеди.

Жыйылыу



«Аманлыкъчылыкъны жолун кесюу - хайырлы профилактика амалды»

КъМР-ни Башчысыны къуллугъун болжаллы халда толтургъан Юрий Коков **Право нызамны жалчытуу жаны бла дайым да ишлеп турган координация кенгешни бла Къабарты-Малкъар Республиканы Экономика эмда жамуат къоркъуусузлукъ жаны бла советини бириккен жыйылыуларын бардыргъанды. Аны ишине баш федеральный инспектор Алексей Вербицкий, республиканы толтуруучу власть органларыны, суд, право нызамны саклаучу эмда контроль этиучо органларыны, правону къорулаучу организацияланы келечилери къатышхандыла.**

Жыйылыуу ача, Юрий Коков энчи эм оператив службалагъа май байрамлагъа хазырлангъан кезиуде эмда ала бардырылгъанда законлукъну бла нызамлыкъны жалчытханлары ючюн жорек ыразылыгъын билдиргенди. Кючно бирикдирип, бир тюрлю къауғала, бузукълукъла болдурмазгъа къолдан келгенди, деп чертгенди. Граждандланы къоркъуусузлукъларын мындан ары да жалчытыргъа кереклисин айырып айтханды.

Республикада оператив болум къыйынлай къалады. Этилинген мадарланы хайырындан бандит къуаумланы кючлерин къарысуландырыргъа онг чыкъланды. Болсада уголовный аманлыкъ ишлеге улуу эс бурурчады. Ауур эм бек ауур аманлыкъла 29,6 процентте, фатарлары тонау 22,3 процентте, аварияланы саны

31,3 процентте ёсгенди. Адамла кеп санда жыйылыуу жерледе кеф болгъанла эмда акъылбалык болмагъанла этген право бузукълукъла да иги кесекке кёбейгенди (83,9 процентте). Зорлукъ, сугъанаклыкъ этиу, хыйлалыкъ бла, жангы бийик технологиялы устройвола бла аманлыкъла аслам болгъандыла. Аманлыкъчыланы къауумларына алгын бузукълукъ этмегенле келден-кеп къошула барадыла.

Арт юч жылдагы криминал статистика кергюзтгенича, алгын судлюк болгъанла аманлыкъ ишлени къайтарып этген кезиуде азаймаидыла. Алгын судге тюшгенле этген аманлыкъланы саны жылдан-жылгъа ёсюп барады: 2011 жылда - 17, 2012 жылда - 20,2, 2013 жылда - 25,6 процентте. Ол жаны бла хал артыкъда Лескен районда осалды

(136,6 процентте ёсгенди, Бахсан шахарда бла Бахсан районда (135,9%), Нарткъалада (86,4%), Элбрус районда (82,3%) осалды.

УФСИН, КъМР-де МВД-ны толтуруучу власть органлары бла бирге жер-жерледе право нызамны саклауда аманлыкъланы ол тюрлюсюне къажуу къошакъ мадарла этерге керекди. Аманлыкъланы жолларын кесерге керекди, ол хайырлы профилактика амалды, деп чертгенди Юрий Коков.

Жыйылыуда къыйын техноген хаталаны эмда табыгъат къыйынлыкъланы кетериге хазырлыкъ не халда болгъанына да къаралгъанды.

КъМР-ни Башчысыны къуллугъун болжаллы халда толтургъаны эмда Правительствоосуна пресс-службасы.

Игиледен да игилери сайланнгандыла



3 бет



Ахшы юйюрге - къыралны тутуругу

3 бет

Май указланы кыаты контрольда тутаргъа буюргъанды

Ахыры. Аллы 1-чи бетдеди.

Былда сёз кырал неда муниципальны жумушлары бир жерде терезеде толтурурча онгла кырауны, кырал жумушлары электрон халда тамамлауны юслеринден барады. Докладчы айтханыча, республикада план кёрюмдюле артыгы бла толтурулгандыла, ол санда районла кёп функциялы арала ачыладыла, элдеде уа аланы ишчи жерлери болукдула. Алай бла адамла кырал неда муниципальный жумушларын жашаган жерлеринде толтураллыкдыла.

Ангылатуу иш да бардырылады. 2013 жылда 183 кырал жумушну электрон халда толтурурча онг болганды. Ведомстволаны араларында байламлыкла кыралгандыла, муниципальный эмда кырал власть органдары документлени бир бирлерине бериге чек салган праволу актла торлендирилгенди.

Юрий Коков республиканы юлюшю болган инвестиция проектле кылай тамамланганларын билдирге суйгенди. Юрий Алтугов айтханыча кёре, битеу да бирге 11 уллу проект бардыла, аланы багъасы миллиард сомгъа жетеди. Барысы да техника жаны бла тинилгенди. Сёз ючюн, таза полимерле чыгарган «Этана» заводну кырулушу тохтаргъа кыорккуну бар эди, инвестор табылмаса. Алай бюгюнлюкде проектни болжалы 2017 жылгъа дери созулганды.

Энтта бир уллу проект - Нальчикде

жангы аэропортну ишлетиу да - тохтап кыалыр чекге жетген эди. Анга уа кырал 9,7 миллиард сом бөледди. «Федеральный ара аччаны бермеге деген оноуну чыгарыргъа хазыр эди, алай биз битеу керекли документлени хазырлаганбыз, бу проектни да болжалы созулганды», - дегенди докладчы.

Ызы бла вице-премьерле Ирина Марьяш, Руслан Фиров, Уаналаны Казим социальный сферада салынган борчланы тамамлау не халда болганын билдиргенди. Биринчи 597-чи, 598-чи, 606-чы номерли указла КЪМР-де кылай толтурулганларына жууапды. Алада сёз бюджет учреждениялада ишлегенлени хакъларын кёбейтиуню юсюнден барады. Ирина Евгеньевна билдиргенча, республикада хакъ орта эсеп бла 9,2 процент есенди эмда аны елчеми 18,4 минг сомгъа жетдирилгенди.

597-чи указда уа сакъатланы ишчи жерле бла жалчытыргъа буйрукъ барды. Республикада 108 ишчи жер ачаргъа тийишлиди, анга федеральный арадан ахча да бөлюнгенди. Алай бусагъатда алыкъа хазырлануу-кырау ишле бардырыладыла, аны себепли сакъатлагъа жараулу бир ишчи жер да алыкъа жокуду.

Руслан Фиров школгъа дери жыл санда сабилени окутуу жерле бла жалчытыу программа жашауда кылай бардырылганына контроль этеди. Ол келтирген шартлагъа кёре, былтыр республикада жангы юйретуу учрежденияла ишлетип

эмда болганлада модернизация жумушла тамамлап, 2,3 минг жангы жер ачылганды. Быйыл а энтта жети сабий сад ишленирикди, алада битеу да бирге минг жангы жер ачыллыкды. Указлагъа тийишлиликде энчи адамла сабий сад ачсала, алагъа кырал тутучулукъ этеди. Республикада эки энчи иели учреждение хайырланыргъа бериге белгиленеди, ол санда Яников элде да.

Уаналаны Казим а жашуу журтланы кырулушуну рыногуну болумуну, учуз жашуу журтланы ишлетиу, кёп сабийли юйорлеге хакъсыз жер юлюшле беруу, ипотека кредит алганлагъа кырал себеплик этиу жаны бла программала кылай толтурулганларын билдиргенди.

Жыйылыуны ахырында Юрий Коков вице-премьерлеге май указланы толтуруу контролда тутаргъа буюрганды. Шартланы санап турмай, кылай проблемала болганларын ачык айтыргъа чакъырганды. Кырал бөлген ахча кылай кыоратылганын жамауатха шарт айтыргъа кереклисин да белгилгенди.

Кенгеш эсгертиулени проектни кыабил кёруу бла бошалганды. Жыйылыуа федеральный инспектор Алексей Вербицкий, КЪМР-ни Парламентини спикери Чеченланы Ануар, премьер-министр Константин Храмов, республиканы Башчысыны кенгешчилери эмда районланы бла шахарланы администрациялары таматарлары да кыатышандыла.

ТИКАЛАНЫ Фатима.

Субботник

Тёгерекни тазалагъандыла, боягъандыла эмда терекчикле орнатхандыла

Озган солуу кюнледе Бахсан районда уллу субботник бардырылганды. Анга кзулукъчула, устазла, окуучула да кыатышхандыла. Ала тёгерек-башны тазалагъандыла, терек тюплени бла бордюрланы да боягандыла.

Бахсан районну администрацияны башчысы Хасан Сижажевни буйругуу бла эллени тийрелеринде кеслери алларына кыралган кир-кипчик жыйылган багушлары кетергенди эмда алайлагъа бла жол кыйырларына беш жюз терекчик орнатхандыла.

Район администрацияны специалисти Заур Шибзухов билдиргенге кёре, келир заманда энтта да эки жюз терек орнатыр муратлыдыла.

Лера АБАЗОВА.

Бахсан районну администрациясыны пресс-службасы.

Тюзетти

Россей Федерацияны Президентини 2014 жылда 30-чу апрельде чыгарылган 284-чю номерли Указы бла «Россей Федерацияны сыйлы метеорологу» деген ат аталганы юсюнден билдириуде «Чочайланы Хусейни жашы Хызырге» деп окургъа керекди.

Фестиваль

Фахмулула уа, насыпха, таркъаймайдыла

Фестивальны Геннадий Гридасов дирижёрлукъ этип, республиканы искусство школларыны окуучуларыны хору «Мой край» деген жыр бла ачхандыла. Россейде «хоровое пение» жанр жангдан тиргизиле барганы кыуандыргъан шартды. Сочиде бардырылган XXII кыш Олимпиада оюнланы жабылыуунда да кыралыбызны битеу регионларындан минг ауаздан кыралган сабий коллективге белгили дирижёр Валерий Гергиев башчылыкъ этгенди. Анда жырлагъан жаш адамланы санына бизни республикадан жашчыкъла бла

Бу кюнледе СКГИИ-ни структурасына кирген культура бла искусстволаны колледжини залында, КЪМР-ни Культура министерствосуну художествену жаны бла билим берууно арасы кырау, «Мы наш, мы новый мир построим» деген сабий чыгармачылыкъ фестивалыны гала-концерти болганды. Анга кыатышыргъа Нальчикни, районланы искусстволарыны школларында юйренген фахмулу сабийле келгенди.

Бу проект, юч жылгъа бир кере бардырылып, хунерли жаш адамланы чыгармачылыкъга кёллендиреди, усталыкларыны ёсюлерине себеплик да этеди. Бу жол а ол Россейде Культура жылгъа жораланганды.

кызычыкъла да кыошулгандыла. Концертде аланы «Сочинский вальс» атлы жарык номерлери кызыу кыарлагъа тийишли болганды.

Прохладна районну 1-чи номерли искусстволарыны школуна «Ровесницы» хореография ансамбли, кёп эришюлеге кыатышып, алчы жерле алганлай турады. Бу жол ала гопак деген украин халкъ тепсеуню кёргозтгенди. Аны башчысы Т. Свидинаны айтыуна кёре, сабийле фестивалгъа кыуанып келгенди, ала мында кёп жангы шухёла



да тапхандыла. Проектни баш борчу да игиликге, тенгликге итениулукно кыозгъаганы болганын эсге алсагъа, ол муратына жеталганын кёребиз.

Нальчикни 1-чи номерли Искусство школуна сохтасы, жаш фахмуланы республикалы эришююно экинчи даражалы лауреаты Абдулаланы Габи жыя кыобузда аламан сокъганды. Бусагъатда ёсюн келген тёлю кёбюсонде оркестровый инструментлеге юйренирге сюеди. Жууукъ заманда ала духовойлагъа да аслам эс бурурла деп ышанабыз.

Мотталаны Далхат Нальчикни Ю. Темирканов атлы искусстволаны школуна ючюнчю классында окуйду. Ол Дж. Пешеттини «Престо» макъамын кларнетде эшитдиргенди. Терекден кызычыкъла Диана Маришева бла Камила Накова Дондагъы Ростов шахарда Халкъла аралы «Аккордеон Плюс» эришюде биринчи жер алып кыайтхандыла. Аланы «Старый мотив» деген номерлери да кыозгъаганды кыараучуну сейрин.

Горойланы Жамболат башчылыкъ этген «Кавказ» сабий юлгюлю тепсеу ансамбль кыайсы сахнаны да сыйлы

кыонагъыды. Фестивальда артистлени аяк бюкгенлерине кёлле, тамашагъа кыалып, кыарагъандыла.

Концерт барган кезиуде школланы кыол усталыкъ бла ИЗО бёлюмлерини окуучулары аламан ишле хазырлагъандыла. Алада сейир жануарланы, тамаша гюллени, кыайгысыз сабийлени, миллет оюулары кёргенбиз. Быланы устазлары да энчи махтаугъа тийишли болгандыла.

Мухадин Кумахов а, бу проектни магъаналыгын белгилеп, сабийлеге таза кёллююклерин ючюн жорек ырызлыгын билдирип, ёсюн келген тёлюню культура жаны бла жарыкландырыгъа салган кыайыны ючюн Ирина Гридасовагъа Сыйлы диплом бергенди.

Ахырында коллективле барысы да, шухёлукну юйренине туруп, «Откуда музыка пришла?» деген жырны бир ауздан айтхандыла. Сабийлени, абаданланы да бирикдирген искусство жанрланы тамблагъа кюнлери болганына бу проектни чегинде энтта да бир кере тюшондук.

ЖАНГОРАЗЛАНЫ Нажабат.



ФУТБОЛ

«Ахыр такыйкъагъа дери тийишлисича ойнагъандыла»

Футболну миллет лигасыны 38-чи турунда Нальчикни «Спартакы» кеси майданында Саранскны «Мордовия» командасы бла тубешгенди. Бу тур бла чемпионат бошалгъаны себепли эки команда да аны хорлам бла жабаргъа сүйгенлери баям эди. Къонакъла экинчи жыл премьер-лигада ойнарыкъдыла, бизни футболчуларыбызгъа уа къараучулары алларында иги оюнну кёрютюп, солургъа алай кетерге боллукъду дегенден башха борч жокъ эди.

Аны бла байламлы болур эди, ансы эки къаууму да биринчи, экинчи таймны ортасына дери окъуна, къабакъ эшиклени къатына жуукълашып,

къоркъуулу кезиуле къуаргъа хазна къорешмегендиле. Болсада оюнну экинчи жарымыны 32-чи минутунда спартакчыла терк окъуна контратака къурайдыла. Давид Сирадзе алгъа чабып къутулады, Андрей Панюковну эслеп, анга тап пасны береди. Ол, «Мордовияны» вратары бла бетден-бетге чыгып, эсепни 1:0 этеди.

Андан сора «Мордовия», «уянып», аймагъанлай чабыуулукъланы башлайды, алай спартакчыла, кеслерини къабакъ эшиклерини къатында халатла иймей, тап ойнагъандыла эм къараучулары къуандырырча эсеп бла бошагъандыла сезонну.



ПРЕСС-КОНФЕРЕНЦИЯ:



ЮРИЙ МАКСИМОВ, «Мордовияны» баш тренери:

- Асламысында биз стадионнга келгенге ариу футбол кёрюттейик деп ойнагъанбыз. «Спартакны» уа бу магъаналы хорламы бла алгъышлайма. Чемпионат бошалгъынчы окъуна футболчуларыбыз нек эсе да кеслерин бошлап къойгъандыла. Бир къауум жашлагъа солургъа, башхалагъа уа кеслерин кёрютюрте онг бергенме.

Жарсыгъа, бир-бирле иги кесек заманны ойнамай тургъандыла эм усталыкларын тас этгенча кёрюнгенди манга. Ма аны ючон хорлатканбыз деп, алай сунама. Энди премьер-лигада ойнарыкъбыз, ол себепден составыбызны кючлерге кереклиси баямды.



БИДЖИЛАНЫ ХАСАНБИЙ, «Спартакны» баш тренери:

- Алгъадан айтырыгъым, бу чемпионатны хорлагъан команда бла кючюбноо сынаргъа иги хазырланып тургъанбыз эм иги жаны бла кесибизни кёрютюрте итингенбиз. Матч тынч болмагъанды. Бир-бир жерледе командабыз, чемпионнга хорлатмай, алчылыккы окъуна алып турганды.

Биз гол ургъандан сора къонакъла, матч бошалыргъа 10 минут къалгъанда, къабакъ эшиклерибизни къатына жуукълашканлай тургандыла. Бир халат ийгенлей, эсеп тюрленериги баям эди. Насыпха, футболчуларыбыз, жууаплылыккыны ангылап, ахыр такыйкыгъа дери иги ойнагъандыла. Алагъа ыразылыгъымы билдирирге суюме.

Чемпионатны 2013/2014 жылда таблицасы						
КОМАНДАЛА	О	Къ	ТБ	Х	Т	О
1 Мордовия	36	22	7	7	59-30	73
2 Арсенал Т	36	21	6	9	62-39	69
3 Торпедо М	36	19	8	9	45-22	65
4 Уфа	36	17	10	9	46-35	61
5 Газовик Ор	36	17	10	9	46-28	61
6 Шинник	36	17	6	13	47-37	57
7 СКА-Энергия	36	15	11	10	43-34	56
8 Луч-Энергия	36	15	10	11	40-25	55
9 Балтика	36	14	12	10	39-31	54
10 Спартак Нч	36	13	12	11	36-34	51
11 Сибирь	36	13	12	11	38-39	51
12 Алания	36	14	4	18	29-52	46
13 Енисей	36	12	9	15	40-47	45
14 Динамо СПБ	36	12	7	17	38-46	43
15 Ротор	36	10	11	15	43-40	41
16 Химик Дз	36	10	7	19	29-49	37
17 Нефтехимик	36	7	12	17	38-45	33
18 Салют Бл	36	6	9	21	23-53	27
19 Ангушт	36	3	5	28	23-78	14

Сары карточкалары Эдиев, Сирадзе, Панюков алгъандыла. Бу турда башха командада былай ойнагъандыла: Алания-Уфа 0:3, Салют Бл-СКА-Энергия 0:3, Луч-Энергия-Газовик Ор 1:4, Нефтехимик-Ангушт 5:1, Ротор-Енисей 1:0, Торпедо М-Сибирь 0:0, Арсенал Т-Динамо СПБ 0:1, Балтика-Шинник 2:2.

Белгилерчады, «Спартакны» жылны аллында финанс къытыкъ да кысып, бир кере чачылгъан да этип, жангъдан къуаралгъан эсге алсакъ, чемпионатны ахшы кёрюмдю бла 10-чу тизгинде бошагъанын. Биджиланы Хасанбийни уа ол сагъынылгъан проблемалагъа да къарамай, жаш футболчуладан иги команда къуаргъанын айтыргъа керекди, мындан арысында да аны аслам къаууму сакъланыр, футболчуларыбыз да къараучулары ариу оюнлары бла къуандыра турурла деп шынабыз.

КЪОНАКЪЛАНЫ ХАСАН

Акция

Ма аллай ат бла быыл 17-чи майда Россейни МВД-сыны битероослей акциясы башланады. Ол Ышанулукъну сабий телефонуна халкъла аралы кюнюне аталыды. Аны мурагы - кыйын жашуу болумгъа тюшген юйорулеге бла сабийлеге болушууду.

Россейни МВД-сыны пресса арасындан билдиргенлерине кёре, ол кюн республикалары Ич ишле министрстволарында, Россейни МВД-сыны баш

«Полиция - сабийлени къоруулауда»

управленияларында бла бёлүмлеринде Ышанулукъну сабий телефонлары ишлерикдиле. Алагъа жер-жерли заман бла 10 сагъатдан 16 сагъатха дери сёлешип, акъылбалыкъ болмагъанланы проблемаларыны юсерлеринден билдирирге боллукъду.

Сёлешгенлени сорууларына акъылбалыкъ болмагъанланы ишлери жаны бла бёлүмледен специалистле, аманлыкъ этген жаш адамла болжалды халда

тургъан араланы психологлары, адамланы социальный жумушла бла жалчытуучу органданы, билим беруу организациялары, жамауат биригуелени да келечилери жууапла берликдиле.

Сабий телефон бла этилинген хар билдирирге да къаралмай къаллыкъ тойюлдю. Сабийлеге, акъылбалыкъ болмагъанлагъа эм аланы ала-аналарына юретууде, юйор халлада право жорукъла

ангылатыллыкъдыла. Керек болса уа, психология эм башха болушлукъ этиликди.

Телефонлагъа хакъсыз сёлешинеди. Аланы номерлери уа Россейни МВД-сыны жер-жерли органдарыны официальной сайтларында алгъадан окъуна салынырыкъды.

Акция Сабийлени халкъла аралы кюнюне дери бардырыллыкъды эмда акъылбалыкъ болмагъанланы араларында право жаны бла ангылатуу иш

бла бошалыкъды. Алагъа деп школада, энчи окъуу учреждениелада, сабий садлада, интернат школада, акъылбалыкъла болжаллы халда тургъан аралада лекцияла окъулукъдула, ушакъла, «тёгерек столла», ачыкъ эшиклени конлери бардырыллыкъдыла.

КъМР-де МВД-да Ышанулукъну сабий телефонуны номери былайды: 49-50-39.

Бизни корр.

Баш редактор АТТАЛАНЫ ЖАМАЛ

- РЕДКОЛЛЕГИЯ:**
- БЕППАЙЛАНЫ** Муталип (баш редактору орунбасары)
- КЪОНАКЪЛАНЫ** Хасан (баш редакторну орунбасары)
- ТОКЪЛУЛАНЫ** Борис (жууаплы секретарь)
- ТЕКУЛАНЫ** Хауа (жамауат-политика бёлүмюне таматасы)

ТЕЛЕФОНЛА:
 Редакторну приёмный - 42-63-01. Баш редактору орунбасарлары - 42-38-21, 40-04-82. Жууаплы секретарь - 42-66-85.
 Секретариат - 40-93-62. Корректорла - 42-63-52.

Газет Басманы эм асламы информацианы эркинликлерин къоруулау жаны бла Къабарты-Малкъар регион инспекцияда 1994 жылда 14-июнда регистрация этилгенди.
 Регистрация номер —Н—0066. Индекс - 51532


Газетни басмагъа КъМР-ни Басма эмда асламы коммуникацияла жаны бла къырал комитетини компьютер службабы хазыр этгенди.
 Газет «Тетраграф» ООО-ну типографиясында басмаланганды. Нальчик шахар, Ленин атлы проспект, 33

Номерге графике кёре 19.00 сагъатда кыол салынады. 20.00 сагъатда кыол салынганды

ГАЗЕТНИ НОМЕРИН ЧЫГЪАРГЪАНЛА:
 Саракуулары Асият - дежурный редактор;
 Кетгенчиланы Зульфия - жууаплы секретарьны орунбасары;
 Акушуулары Феруза (1,2,3,4-чю бетле), Бийчеккуулары Жаннета (5,6,7,8-чи бетле) - корректорла.

Тиражы 2640 экз. Заказ № 941

РЕДАКЦИЯНЫ ЭМ ИЗДАТЕЛЬНИ АДРЕСИ:



360000, Нальчик шахар, Ленин атлы проспект, 5
 электронный почтасы: elbor_50@mail.ru